

**Medicaid Tuaktaanpiakmi pawl: Indiana i Innchungkhar**  
**Bawmhnak pawl Tuaktaanpiakmi & Mibu Atlingmi**  
**Sersiamnak lei Tuaktaanpiakmi pawl**

**Medicaid Tuaktaanpiakmi pawl cu zeidah an si?**

Tuaktaanpiakmi pawl cu phung nih a onhmi sinak lei a herhmi pawl a tlinhmi minung pawl caah ruahpiak khawhmi le a herhmi sii lei zohkhenhnak caah pekmi ramkomh lei le pine nih tangka bawmhmi Medicaid prokarem phunkhat a si. Tuaktaanpiakmi pawl cu a buu in dirhmu bantuk ah silo in inn le mibu sin ah pumtlinlonak a ngeimi ngakchia le upa pawl nih bawmhnak le riantuanpiaknak pawl hmuh dingin tangka bawmhnak pekmi a si. Indiana nih Inn le Mibu Hrambunh in Riantuanpiaknak (Home and Community Based Services, HCBS) tuaktaanpiakmi prokarem pawl a phunphun a ngei, thlopnak lei tuaktaan piakmi pawl (thil sining kan tialmi zoh Thlopnak lei Tuaktaanpiakmi pawl: A&D le TBI) le thannak le/asilole fimthiamnak lei pumtlinlonak a ngeimi pompaak pawl caah tuaktaanpiakmi pawl (Thannak lei Pumtlinlonak pawl Riantuanpiaknak Zung asilole BDDS hmang in bawmhmi) telhchih in: ICF/IID Zohkhenhnak Level (ICF/IID Level of Care) he pompaak pawl riantuanpiaknak BDDS/Indiana Medicaid Tuaktaanpiakmi pawl pahnih an um - **Innchungkhar Bawmhnak lei Tuantaanpiakmi (FSW) le Mibu Atlingmi siternak & Sersiamnak (CIH) lei Tuaktaanpiakmi.**

**Phung nih a onhmi sinak lei Biakhiahnak cu zeitindah a si?**

**FSW** asilole **CIH** tuaktaanpiakmi caah aa tlakmi si dingah, pumpak pakhat nih kum 22 tlin hlan (pehzulh peng dingin ruahchanmi) ah thannak lei pumtlinlonak asilole tehte he damlonak he aa pehtlaimi a ngei hrimhrim lai i ICF/IID Zohkhenhnak Level tiah hngalhmi fimthiamnak lei pumtlinlonak a ngeimi pawl caah Akarlak Zohkhenhnak Hmun i luhter awk ah a herhmi level a tlinhmi a si hrimhrim fawn lai.

LCF/IID Zohkhenhnak Level timi a sullam cu minung pakhat nih nunnak ah a tlawmbik hmun ruk tuaktaanpiak khawh a simi riantuannak lei chambaunak a ngei, cu pawl cu: mah tein izohkhenhnak, cawnnak, mah tein lam ihmuhksaknak, mah tein nunnak caah thiltikhawhnak, holh fiannak le hmannaak, le cawlcanghnak.

Thannak lei Pumtlinlonak pawl Riantuanpiaknak Zung (Bureau of Developmental Disabilities Services, BDDS) Peng Zung nih Pine hmangin fianternak tuahmi bantukin soktu nih thannak lei pumtlinlonak (DD) a ngei maw ngeilo kha biakhiahnak a tuah. DD phung nih a awnhmi si ahcun, peng zung zong nih ICF/IID Zohkhenhnak Level tuaktaanpiakmi pawl caah phung nih a onhmi sinak kha biakhiahnak a tuah. ICF/IID Zohkhenhnak Level cu siibawi nih tlamtling tein a phihmi kherhlainak fawm fehtermi, Zohkhenhnak Level Zohfelnak Thilri Tlamtlinnak, le pine DD riantuanpiaknak pawl (hi ah hin IEP tbk. aa tel kho men) caah phung nih a onhmi sinak biakhiah tawnnak ca in tialmi cungah aa hngat. A herh ahcun, BDDS nih soktu i zohfelnak cu hal khawh a si fawn.

Cu lengah, **CIH** tuaktaanpiakmi cu herhmi pawl cungah aa hngatmi tuaktaanpiakmi a si fawn, cucu a sullam cu pompaak pakhat nih ICF/IID Zohkhenhnak Level a tlinh hrimhrim lawng si loin papekmi tahfung a tlinh zong a hau chih, cu ah aa telmi cu: kumkhua upatnak asilole inn i zohkhenhnak hmun in thialkaamnak asilole poipang tonmi lei tahfung tlinhnak, kumkhua upa a bikin zohkhenhtu asilole thihnak, volhpamhnak asilole zeirelonak tehte, le a hlei in ngandamnak asilole himnak tihnung lei tehte tibantuk an si.

Tuaktaanpiakmi caah a sokmi kum 18 tang a simi ngakchia caah Medicaid ca phung nih a onhmi sinak biakhiahnak tikah, ngakchia i a hmuhmi tangka/thilri pawl lawng kha tuaktaanpiak a si lai (nulepa lei/chungkhar lei tangka hmuhmi asilole thilri pawl kha an SI LO). Tuaktaanpiakmi lei riantuanpiaknak pawl thawk khawh hlan ah ngakchia pakhat cu Medicaid caah hnatlakpimi a si hrimhrim lai.

### **Tuaktaanmi sinak caah zeitindah ka Sok lai?**

Na fa nih fimthiamnak lei/thannak lei ah pumtlinlonak a ngeih ahcun, BDDS Peng Zung (District Office) chawhnak in tuaktaanpiaknak lei riantuanpiaknak caah na sok khawh i Thannak lei Pumtlinlonak Riantuanpiaknak caah Soknak (Application for Developmental Disabilities Services) kha hal khawh. Hika ah pine hmaanthlak zoh (<http://www.in.gov/fssa/ddrs/4088.htm>) asilole na umnak hmun i zung kawl dingin 1- 800-545-7763 ah chawn. Tuaktaanpiakmi soknak fawm pawl cu hi link ah kawlnak in online in hmuh khawh a si men fawn lai.

<http://www.in.gov/fssa/ddrs/3349.htm>.

An online option to apply for the **FSW** le BDDS riantuanpiaknak pawl caah online in sok dingah thim khawhmi (a pahnih ningin online ah phih khawh le ap khawh an si) cu BDDS Gateway ah hmuh khawh a si: <https://bddsgateway.fssa.in.gov/>. Catlap in soknak bantu he aa khatmi thawngthanhnak kha online in soknak nih a hal. Kherhlainak lei Fehternak fawm (Confirmation of Diagnosis form) cu adang tein siibawi nih a phih te lai i cu hnu ah mah umnak BDDS zungah kuat asilole pek khawh a si lai.

### **Papekmi Tahfung pawl:**

**FSW** caah hihi pawl cu **CIH** tuaktaanpiakmi ca i pekmi lengah tlawmpal papekmi tahfung thenmi pawl an um. Sianginn in an chuah (kum 18-24 minung a simi) bantu kin phung nih a awnhmi minung pawl caah **FSW** tangah thenmi pakhat nih papekmi dirhmuh a si ter hna. Papekmi sinak caah adang awnhmi cu ralkap chungkhar pawl i ngakchia pawl caah a si. Papekmi tahfung pawl caah aa tlakmi na si le silo biakhiah dingah na umnak hmun i BDDS zung kha nangmah he rian an tuanti lai.

### **Caan tawite chung ca Phung nih a onhmi sinak:**

Pumpak pakhat nih tuaktaanpiakmi soknak a ap tikah, tuaktaanpiakmi caah

hngaktu cazin ah chiaah asilole "caan tawite chung ca phung nih a onhmi a si" tiah ruah a si. Riantuanpiaknak pawl caah soktu pawl nih an sok khawh men lai i kum zeizat an si zong ah **FSW** hngaktu cazin ah chiaah an si men lai.

Soknak nithla cungah hngat in hngaktu cazin cungah **FSW** nih atu lio ah rian a tuan ruangah, innchungkhar pawl cu tuaktaanpiakmi an herh lai tiah an lunghrinh hna lecaangka in, ngakchia i a kum kha biapi ah chia lo in, hi tuahsernak cu DDRS nih a awnh paoh ahcun tuaktaakpiakmi lei riantuanpiaknak pawl sok dingah forhfial an si.

### **Hngaktu Cazin ah um dingin zeidah ka tuah a herh?**

Fon asilole leihsa, thlennak pawl telhchih in, nangmah pehtlainnak kongkau kha BDDS zungah na tharchuah a herh lai. Nangmah kong tharchuah ding le fehter dingah kum fatin BDDS zung pehtlaih dingah ruahnak cheuh a si. Hika BDDS Waitlist Web Portal ah na zoh khawh, (<http://www.in.gov/fssa/ddrs/4328.htm>) nangmah kong a dikmi a sinak fehter dingah.

### **Zeibantuk Catialmi dah tha tein Ichiah peng ka herh?**

Nithla aa telmi tuaktaanpiakmi na soknak khawpi le nangmah nih naa chiaah dingmi pawl caah na BDDS zung he cakuatnak le calehnak adang pakhat khat (a caan, nithla le min pawl he fon in biaruahnak pawl kong tialmi telh ding) kha ichiah. Cu lengah, a hmasat soknak pekmi an hmuhnak fehternak catlap hal hna.

### **Adang Mibu-Hrambunh Riantuanpiaknak pawl zeidah Angahmi a um?**

Mah umnak Thannak lei Pumtlinlonak pawl Riantuanpiaknak Zung (Bureau of Developmental Disabilities Services, BDDS) Peng Zung nih thil sining thawngthanhmi le thannak lei a tlamtlinglomi minung pawl caah riantuanpiaknak a phunphun sin i kuatpiak chinnak pawl a pek. Phung nih a awnhmi na si khawh menmi adang prokarem pawl le riantuanpiaknak pawl an um. Idiana ah inn le mibu hrambunh tuaktaanpiakmi adang phun pawl kong hngalhnak dingah,

Indiana i Kumkhua upa le Pumtlinglomi le Thluak lei Hliamhma Tuarmi Tuaktaanpiakmi pawl (Indiana's Aged & Disabled and Traumatic Brain Injury Waivers) kong tialmi kha zaangfahnak in ichirchanh. Tuaktaanpiakmi phun khatnak tamdeuh caah naa tlak men lai, asinain voikhat ah tuaktaanpiakmi prokarem pakhat lawng riantuanpiak na si men lai. Phung nih a cohlan khawh menmi na si caah tuaktaakpiakmi pawl dihlak kha sok.

### **Thawngthanmi Tamdeuh Hmuhkhawhnak:**

Na umnak hmun NDDS zung cu ICF/IID tuaktaanpiakmi luhnak hmun a si i mah tuaktaanpiakmi pawl kongkau i na biahalmi pawl kha an in leh khawh lai. Na umnak hmun i zung hngalh dingah 1-800-545-7763 kha chawn.

Pumtlinlonak & Sersiamthannak lei Riantuanpiaknak Thennak (Division of Disability & Rehabilitative Services, DDRS) cu Innchungkhar & Mibu Riantuanpiaknak lei Tawlrelnak (Family & Social Services Administration) phunkhat a si. DDRS nih ICF/IID Zohkhenhnak Level Tuaktaanpiakmi pawl le thannak lei pumtlinlonak a ngeimi minung pawl caah a dang mibu hrambunh riantuanpiaknak pawl kha a tuah. DDRS Website:

<http://www.in.gov/fssa/2328.htm>

### **Mibu Bawmhnak Adang pawl:**

The Arc of Indiana, <http://www.arcind.org> or 1-800-382-9100, tuaktaan piakmi pawl he aa pehtlaimi upadi lei le tawlrelnak lei ah izuam dingmi pawl kong a pek.

Indiana Family to Family (Indiana's Family to Family Health Information Center), [www.inf2f.org](http://www.inf2f.org), cu tuaktaan piakmi pawl kongkau i na biahalmi pawl lehnak bawmh dingah pehtlaih khawhmi a si i soknak lei tuahtomi na dothlatnak ah bawmhnak an pek khawh. Ngandamnak lei aamahkhan, a hlei in fimcawnnak, mibu bawmhnak pawl le thlopnak inn pawl tibantuk tlangtaar a phunphun kong thawngthanmi le bawmhnak pawl hmuh dingah thiamsang pawl le

innchungkhar pawl kha a pek fawn hna. Hi bawmhnak cu manlo a si i pine chung hmunthen dihlak ah hmuh khawh a si, 1-844-323-4636 ah chawn law Innchungkhar Bawmhnak lei Thiamsang (Family Resources Specialist) he biaruhnak ah bawmh hal.

Prokarem pawl le tuahto ning pawl cu atu le atu aa thleng. A hnuhik thawngthanhmi na hman hrimhrim ding kha a biapi. Hi thil sining tialmi cu 2022 ah tharchuahmi a si. Zaangfahnak in <https://www.inf2f.org/fact-sheets.html> ah a hnuhik tialmi kha chek. Ngandamnak lei Bawmhnak pawl le Riantuanpiaknak pawl Tawlrelnak (Health Resources and Services Administration, HRSA) sin in tangka bawmhnak hmangin a chumcheu bawmhmi a si.